



**Instrvctio R. P. Bartholomæi Riccii Societatis Iesv  
Theologi De Modo Recte Meditandi De Rebvs Divinis**

**Ricci, Bartolomeo**

**Mogvntiæ, 1605**

2 De causis Distractionum in nobis, vel internis.

---

[urn:nbn:de:hbz:466:1-59608](#)

recentia reportatis. Salubria sunt, sed minimè illa inter psallendum salubriter revolutus. Spiritus enim sanctus illa hora gratum non recipit, quicquid aliud, quam debes, neglecto eo quod debes, obtuleris.

*De Causis Distractionum, quas habemus in nobis.*

C A P. II.

PRIMA Causa sunt quinq; sensus corporis externi, vt iam demonstrabo Incipio à Visu. Ieremias in threnis ait. *Oculus meus Thren. 3.* depravatus est animam meam. Quod testimonium tam clarū est, vt expositione non indigeat Experientia enim docet, nō quis anno, mense, die, sed quavis hora, vel etiam momento id nobis contingere. Causa est, quia cum usq; ad calcaneum vitæ sensuali simus assuefacti, facile à consuetudine peruersa in mille abripimur, proh dolor, vanitates. Accedit quotidiana rerum sensibilium necessitas, ob quam sensus in perpetuo quodam sunt exercitio De Gustu dicit. Offunis in abecedario de Recollectione hominem spiritualem non debere vesci cibis, acuto vel admodum sensibili sapore affectis, eo quod præter alias causas suis vaporibus

Ee 3 refri-

refrigerantibus crebro distrahan<sup>t</sup> Memoriā. De ODORĀ v̄ verò idem scribit, non solum nō boni odoris res debere à spiritali homine circumferri, sed nec mali & terti, nisi id faciat sui mortificandi causa.

FACILE notat distractionem animi is, qui è memoria aliquid recitat, aut actionem aliquam, quæ attentionem postulet, exerceat, si casu, aut gesticulationes aliquas vel motus videat, vel audeat insolitum strepitum, quia facile obliuiscitur. Cuius rei causa est. Nam cum animæ nostræ virtus insit finita, quo plus intenderit vni rei, hoc minus poterit alteri, idq; sit, quod vna pars spirituum deserta Memoria migrat ad oculos, vel aures, & sic memoria in recitando languescit: torque spiritus possunt recurrere ad illos sensus, vt Memoria profusa deseratur, ac succedat omnium obliuio.

*Greg. p. 3. S. GREGORIVS in Pastorali accommodat<sup>ur</sup> ad hāc rem utitur hac similitudine. In fontibus hoc minus aquam in sublime exilire, quo ex locis depressoibus delabitur, tamque originis locus depresso esse potest, vt ne guttula quidem sursum exiliat. Quæ defectio cernitur quoque in ipsis sensibus externis, quando v. c. quis tanto studio audiendæ rei incumbit, vt oculis licet paten-*

*admon.  
ss.*

ibus non animaduertat quis transeat, nec  
vocem quamvis sonoram se vocantium ex-  
audiat: quod non alia de causa contingit,  
quam quod uno eodemque tempore ani-  
mus noster non possit nisi vni rei perfec-  
tus intenus.

ALTERA causa est Phantasia, quæ mul-  
tis modis distrahitur. Primus est, cum illi  
se offerunt species rerum alias sensu exter-  
no perceptarum. Secundus, cum ipsa fin-  
git res prodigiosas nunquam visas vel au-  
ditas, vel varias rerum species coniungit,  
ut humano capiti ceruicem equinam, vel  
hominem aut domum inuersam. Ter-  
tius est, cum sensibus corporeis percipi-  
antur non solum rerum imagines, sed et-  
iam accidentium, ut colorum, locorum,  
temporum, & similium, ac constet multas  
res corporeas iisdem accidentibus affe-  
ctas, crebro fit, ut dum meditatur homo de  
circumstantia vnius rei, dilabatur ad cir-  
cumstantiam similem rei alterius Declara-  
bo id exéplo, quod verè accidit. Meditaba-  
tur quidā in verba Ecce homo à Pilato ad Matt. 27.  
Iudæos dicta, cum iis demonstraret Christū  
flagellatum, & purpura amictū: ratione au-  
tem coloris rubei phantasia illi represētauit  
Cardinalē purpura itē indutū. A Cardinali

Ecc 4 Ita si.

transiuit ad sacellum Papæ, in quo multos alias ita vestitos cōspexerat: occasioneque loci meminit quo adorationis genere venerentur Papam, ac denique descendit ad modum, ut ad inclinationes, exosculaciones, & cætera. Vides itaq; quomodo color meditante transtulit ad personam, persona ad locum, locus ad actionem, actiones deniq; ad modum.

TERTIA causa Distractionum sape numero sunt animi passiones, maximè si sunt immoderatæ, & malè mortificatae, quamuis enim illæ sedem suam habeant subtilis in corde, tamen in capite distractiones efficiunt, eo quod summam habeant cum phantasia coniunctionem. Tam arcta enim est cōiunctio appetitus sensitivi, cum potentiis cognoscendi facultate præditis, siue internis, siue externis, ut vix commotus sit aliqua passio, quin illico ab aliis sentiatur potentissimæ, quæ operam suam quoq; mox præstant, Verbi causa. accendatur quispiam ira ob iniuriam illatam: phantasia more praesentat, mira agilitate grauitatem iniuriae, obligationem & facilitatem vindicandi, & si inimicus sit præsens minacibus occulis eum intuetur. si absit, commordet labra, digitos, iurat se vlturum contumeliam. Il-

lustre

lustre huius coniunctionis, & cooperatio-  
nis subitæ exemplum habemus in organo.  
quam primum enim organista in infima li-  
cer organi parte attigerit dentes eius, quos  
vocant, extemplo resonant fistulæ etiam  
sublimes, ob communicationē, quam ha-  
bent cum venti receptaculo in medio col-  
locato. Idem liquet in campana, quæ licet  
tecto imposita, tamen sonat, si ab ædituō  
infra in templo constituto pulsetur, nempe  
ob cōiunctionem utriusq; per medium fu-  
nem. Quo exemplo potest cognosci & alius  
quidam passionum animi effectus, nempe,  
quod sicut campana, postquam edituus de-  
stitutus funem trahere, aliquandiu adhuc per  
se sonat, & commouetur, sic homini passio-  
ni obnoxio, quod maximè appetet in ira,  
etiam si semel deposuerit voluntatem vin-  
dicandæ iniuriæ sæpen numero, etiam dum  
minime expectat, recurrit cogitatio vindic-  
tæ Eundem effectum procreat Amor, iu-  
xta illud Christi. *Ebi est thesaurus tuus, ibi est Matt. 6.*  
*Ecor tuum. ac si diceret, ubi est, quod amas,*  
ibi sunt tuæ cogitationes. Quod egregiè  
declarat imago quædam circa crucifixum  
Christum, in ære incisa; in cuius uno latere  
nexus genibus pictus est homo diues, ex cu-  
iis fronte variæ excunt lineæ, in varias res

E e § termi-

terminatæ , alia in nauem tempestate maris iactatam , alia in mulierem circundatam liberis, alia in venationem canum: quibus significatur illum dum vacaret precebus , vi amoris mente distractum fuisse ad talia cogitanda. De quo modo orandi conquestus est Deus apud prophetam , dicens.

*Isa. 29.* Populus hic labitur me honorat, eorum autem eorum longe est à me. Ex altero latere depictus erat pauper mendicus item supplex , excius fronte, quia tot amoribus occupatus non erat, vna tantum linea egrediebatur, & terminabatur in latere Christi apero. Eosdem effectus habet quævis alia passio. Sunt ergo homines huiusmodi perturbationibus animi obnoxii similes falconibus, qui funibus alligati ad manum venatoris, quocunq; auolare intendant, q. laqueo retinentur Ac notatu dignum est, etiamsi fuliculi coriacei, quibus falco cōstrictus est, essent ex filo, etiam serico vel aureo, modo multi sint æque illos valere ad retinendum falconem. Sic anima non solum impeditur in oratione ab eleuatione mentis in rebus magnis , sed etiam in paruis etiam si in speciem sint piæ & sanctæ, quando amantur iner- dinatæ.

D